



UNIVERSITÄTS-
BIBLIOTHEK
PADERBORN

Universitätsbibliothek Paderborn

Adversvs Omnia Catabaptistarvm Prava Dogmata Heinrychi Bullingeri lib. IIII

Bullinger, Heinrich

Tigvri, 1535

VD16 B 9759

Fides neminem magistratu, aut publico munere eijcit

urn:nbn:de:hbz:466:1-35433

ius gentium prædicasse unquam, quod regionum & gentium mores & leges et consuetudines uariæ sunt, nec possibile est quod omnibus omnia quadrant. Quid uero de ueteribus opus est dicere? Ad nouū testamen-
 tum ueniamus: Magistratum gessit Nicodemus & Ioseph. Præfectus reginæ Candaces fuit qui à Philippo baptizatur & in Christi gregem accensetur. Christianus fuit Cornelius qui Petrum accersit, & ab eodem baptizatur. Sergius Paulus à Paulo receptus, & Erastus. Hi omnes publico munere functos esse negare nō potes. SIMON. Officia quidem fuerunt quando ad fidem uenerunt, mansisse in munere publico post receptam fidem non est expressum. IOIADA. Audiam ergo ex te quibus rationibus probare uelis, fidē hos magistratu eiecisse. SIMON. Quid opus probationibus quum scriptum non sit quod in magistratu manserint. IOIADA. Ostende ergo quod in magistratu non perdurarint. SIMON. Non possum. IOIADA. Nihil ergo probasti, & quæ ego adfero tantum ualent quantum tua quibus ista negas. Istæ uero quæstiones, contentiones generant infinitas, & mentem reddunt perplexam. Asculata ergo mihi. Fides Christiana neminem eijcit imperio. Ioseph enim cæteriq; quos supra nominamus Christiani fuerunt, & simul muneribus publicis præfecti. Nec milites abdicare militiam iussit Io-

*Testamentum
 Ioseph de
 magistratu*

*Fides nemi-
 nem exigit
 honesto offi-
 cio.*

annes, hoc duntaxat iniungens, ne quem concutiant,
 ne quē calūnientur, et cōtenti sint suis stipēdijs, Luc. 3.
 Quod si fides et nomen Christianū à potestate quēquā
 abscedere cogeret, à ministerio dei nimirum discedere
 cogeret. Magistratus enim minister est dei. Euāgelista
 quū de Iosepho Arimathiēsi mentionē facit, dicit eum
 Lucæ 23. fuisse decurionem. Deinde dicit eum fuisse uirum bonum
 et iustum: extra fidem autem nulla est iustitia
 (fide enim uiuit iustus) Iustus est, fidelis est, decurio
 est: ergo fidelis potest esse decurio. Paulus Roma. 15.
 dicit, Erastus quæstor urbis uos salutat. In officio tum
 erat, non discesserat à quæstura. Nam in 2. ad Timot.
 4. dicit eum Corinthi mansisse. Non legis Philippum
 Eunucho præfectura interdixisse. Sed te audio iā an
 alia quædam adferas. SIMON. Verba aperta de
 hoc non habeo. Hoc uero absurdum uidetur, et Chri
 stiano homine ualde indignum, ut illic confideat ubi
 contra ius et fas agitur, quemadmodum non raro fit
 in iudicijs et senatu. IOIADA. Euici ego Chri
 stianum posse magistratu fungi. Ad tuas obiectiones
 quid dicam? Nicodemus et Ioseph in sanguinario isto
 concilio fuerūt, in quo Christus damnatur, nec tamen
 scelere sanguinis commaculantur. Non enim adquie
 scunt consilijs impiorum, Lucæ 23. Nihil ergo leditur
 Christianus etiamsi in concilio impiorum simul assi
 deat, modo turpibus eorum factis non consentiat, et
 quantum

quantum possit quod iustum est tuetur & consulit,
Psalmo primo.

Iam uero oculis apertis penitus introspecte et rem
accuratius expende, pios & Christianos in magistra-
tu esse quàm impios satius an non sit? Si enim magi-
stratus infidelis, quis de eo aliquid boni sperare pote-
rit? Nihil enim boni facere potest, qui ipse non bonus
est, quales sunt qui deum nec agnoscunt, nec colunt,
quod & uos non negatis. Quandoquidem ergo dictis
magistratum à Christiano geri non posse nec debe-
ri, quid aliud dicitis, quàm in magistratu nihil boni
esse deberi? Quae doctrina si firma est, an non omne
rectum & iustum peruersum est? Qui Christiano ma-
gistratum negant, impio concedunt, hi perditam om-
nem religionem & rempub. petunt. An quisquam
melius regere & imperitare potest, quàm qui deum
colit & coram eo innocenter uiuit? Talis uero Chri-
stianus est. Ex Iudicum, Samuëlis, Regum & Chroni-
corum libris aperte discimus, nunquam feliciora fu-
isse imperia, quàm tum cum pij iudices et reges præ-
essent rerum summæ: cōtra turbulentiora nunquam
fuisse tempora, & plus flagitiorum, deinde fames,
bella, tumultus & calamitates plures quàm sub impijs ty-
rannis, qualis fuit Hieroboam, Achaz, Manasses & c.
Iam ergo hoc concludimus, non modo posse Christia-
num fungi munere magistratus, sed non posse feliciter

Christianus
magistratus
præfertur
impio.

TRACTAT.